



REPUBLIKA E SHQIPËRISË
KOMISIONI I PROKURIMIT PUBLIK

Nr. 216/3 prot.,

Datë 31.01.2024

**FORMULAR PËR PUBLIKIM LIDHUR ME ARSYET E SKUALIFIKIMIT TË
PERATORIT EKONOMIK ANKIMUES DHE PRETENDIMET MBI SKUALIFIKIMIN E
OFERTUESVE TË TJERË**

Objekt:

Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga bashkimi i operatorëve ekonomikë “Ecs Eco Climate Solution SHA & Edemeli SHPK” në procedurën e prokurimit “Procedurë e hapur - Shërbime, marrëveshje kuadër me një operator ekonomik, ku të gjitha kushtet janë të përcaktuara me afat 24 Muaj”, me Nr. REF-92444-12-28-2023, me objekt: “Shërbimi i mirëmbajtjes së sistemit të kondicionimit të ndërtesës së Kryeministrisë”, me fond limit 35,977,266 lekë pa TVSH, zhvilluar më datë 15.01.2024 nga autoriteti kontraktor, Agjencia Shtetërore e Prokurimeve të Përqendruara.

Skualifikimin e ofertës së paraqitur nga operatori ekonomik “ALTEC” SHPK.

Ankimues:

BOE “Ecs Eco Climate Solution SHA & Edemeli SHPK” SHPK, me NIPT: L222180133G, me adresë: Rruga “Dritan Hoxha”, Tiranë.

Subjekte të Interesuara:

Operatori ekonomik “ALTEC” SHPK me NIPT: K57923807W, me adresë: Njësia Administrative “Fratar”, Fshati “Ninesh”, Rruga “Qender”, Godina Nr.15, BALLSH “Mallakaster”, Ballsh, Fier.

Autoriteti Kontraktor:

Agjencia Shtetërore e Prokurimeve të Përqendruara
Adresa: Bly. “Dëshmorët e Kombit”, Nd. 1, 1001, Tiranë.

Në datën 30.01.2024 pranë Komisionit të Prokurimit Publik, është protokolluar ankesa me nr. 216/2024 protokoll, e bashkimit të operatorëve ekonomikë “Ecs Eco Climate Solution SHA & Edemeli SHPK”, në procedurën e prokurimit “Procedurë e hapur - Shërbime, marrëveshje kuadër

me një operator ekonomikë, ku të gjitha kushtet janë të përcaktuara me afat 24 Muaj”, me Nr. REF-92444-12-28-2023, me objekt: “Shërbimi i mirëmbajtjes së sistemit të kondicionimit të ndërtesës së Kryeministrisë”, me fond limit 35,977,266 lekë pa TVSH, zhvilluar më datë 15.01.2024 nga autoriteti kontraktor, Agjencia Shtetërore e Prokurimeve të Përqendruara.

Nga shqyrtimi paraprak i ankesës të sipërcituar, konstatohet se objekti i ankesës lidhet me kundërshtimin e vendimit të Komisionit të Vlerësimit të Ofertave mbi skualifikimin e ofertës të paraqitur nga bashkimi i operatorëve ekonomikë “Ecs Eco Climate Solution SHA & Edemeli SHPK”.

Gjithashtu bashkimi i operatorëve ekonomikë “Ecs Eco Climate Solution SHA & Edemeli SHPK” kërkon skualifikimin e ofertës së paraqitur nga operatori ekonomik “ALTEC” SHPK.

Bazuar në nenin 112 pika 4 gërma “b” dhe “c” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon: a) ankesën e plotë në rastin e ankesave për dokumentet e tenderit; b) arsyet e skualifikimit në rastin e ankesave për vendimin e vlerësimit/klasifikimit përfundimtar; c) pretendimet mbi kualifikimin/skualifikimin e ofertuesve të tjerë duke referuar vetëm kriteret për të cilat ngrihen pretendime.”.

Sa më sipër, Komisioni i Prokurimit Publik do të publikojë arsyen e skualifikimit të bashkimit të operatorëve ekonomikë “Ecs Eco Climate Solution SHA & Edemeli SHPK, e cila kundërshtohet në ankesën me nr. 216 protokoli, datë 30.01.2024.

Konkretisht në ankesë ngrihen pretendime mbi arsyen e skualifikimit si më poshtë vijon:

Arsyet e skualifikimit:

“Ofertuesi nuk plotëson kriterin e përcaktuar në pikën 3 dhe 4, seksioni 2.3 “Kapaciteti Teknik” i Kriteve të Veçanta të Kualifikimit, pasi nuk ka paraqitur deklaratën se merr përsipër kryerjen e punimeve dhe shërbimeve mirembajtëse në çdo ore gjatë gjithë ditëve kalendarike të përcaktuara në dokumentet e tenderit. Gjithashtu nuk ka paraqitur dhe deklaratën për Agregatet/Pajisjet/Pjesët e këmbimit të cilat duhet të ofrohen te reja dhe sipas afateve të garancisë të dhëna nga prodhuesi ose nga distributorët e autorizuar nga prodhuesi.”.

Gjithashtu Komisioni i Prokurimit Publik publikon kriteret të cilat bashkimi i operatorëve ekonomikë “Ecs Eco Climate Solution SHA & Edemeli SHPK, pretendon se nuk përmbushen nga operatori ekonomik “ALTEC” SHPK pjesmarrës në procedurë.

Konkretisht në ankesë ngrihen pretendime për mospërmbushje nga ana e operatorit ekonomik “ALTEC” SHPK, pjesmarrës në procedurë të kriterit kualifikues si më poshtë vijon:

“2. KRITERET E VEÇANTA TË KUALIFIKIMIT

1. Ofertuesi duhet të paraqesë:

2.3 Kapaciteti teknik:

1. Operatori ekonomik duhet të paraqesë dëshmi për shërbimet e mëparshme, të ngjashme, të kryera gjatë 3 (tre) viteve të fundit, nga data e shpalljes së njoftimit të kontratës, në vlerën jo më pak se 39% e vlerës së fondit limit. Këto shërbime të mëparshme, të ngjashme, duhet të vërtetohen me dokumentacionin si më poshtë:

- Kur shërbimet e ngjashme janë realizuar me ente publike, operatori ekonomik duhet të paraqesë vërtetimin e lëshuar nga institucioni shtetëror ose faturat tatimore ku të shënohen datat, shumat dhe shërbimeve të realizuara.
- Kur shërbimet e ngjashme janë realizuar me subjekte private, operatori ekonomik duhet të paraqesë dëshminë përkatëse, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimeve të realizuara.

2. Operatori/et ekonomik pjesëmarrës për të realizuar shërbimin objekt prokurimi, duhet të ketë minimalisht të punësuar, si më poshtë:

Nr.	Stafi	Nr.
1	Drejtues teknik - Inxhinier Hidroteknik/Elektrik	1 (nje)
2	Punonjes / Specialiste per sistem ngrohje ftohje/kondicioner	3 (tre)
3	Punonjës elektrikist	1 (një)
4	Punonjës Hidraulik	1 (një)
	Total	6 (gjashte)

Për punonjësit me profesionet e mësipërme, Operatori Ekonomik duhet të paraqesë:

a) **Për drejtuesin teknik të paraqitet:**

- Diplomë me profesion Inxhinier Hidroteknik/Elektrik.
- Kontrate pune perkatëse.
- Librezë pune ose cdo dokumentacion tjetër që verteton eksperiencën perkatëse.
- Duhet të ketë minimalisht 2 (dy) vite eksperiencë pune në këtë profesion. Te paraqitet detyrimisht deklarata e kontributeve të sigurimeve shoqërore individuale të lëshuar nga e - albania.

b) **Për punonjësit Specialist per sistem ngrohje ftohje/kondicioner, të paraqitet:**

- Çertifikatë kualifikimi, në përputhje me Ligjin për Arsimin dhe Formimin Profesional.
- Kontrate pune perkatëse.
- Librezë pune ose cdo dokumentacion tjetër që verteton eksperiencën perkatëse.

c) **Për punonjësit Specialist Elektrikist, të paraqitet:**

- Çertifikatë kualifikimi në përputhje me Ligjin për Arsimin dhe Formimin Profesional.
- Kontrate pune perkatëse.
- Librezë pune, ose cdo dokumentacion tjetër që verteton eksperiencën perkatëse.

d) **Për punonjësit Specialist Hidraulik, të paraqitet:**

- Çertifikatë kualifikimi në përputhje me Ligjin për Arsimin dhe Formimin Profesional.

- Kontrate pune perkatese.
- Librezë pune, ose cdo dokumentacion tjetër që verteton eksperiencën perkatese.

Operatori ekonomik te paraqese deklarate ne lidhje me stafin qe disponon sipas formatit te meposhtem:

Nr	Emer Mbiemer	Profesioni	Data e fillimit te marredhenieve te punes
----	--------------	------------	---

Shënim: Në çdo rast, përpara publikimit të njoftimit të fituesit paraprak dhe nisjes së afateve të ankimit ofertuesi fitues që të dorëzojë dokumentacionin e kerkuar te cdo punonjesi prane AK.

Shënim:

Me qellim garantimin e gjithë perfshirjes, per ti dhene mundesi cdo operatori ekonomik per te marre pjese ne proceduren perkatese te prokurimit, punonjesit e mesiperm jo domosdoshmerisht duhet te figurojne ne listepagesat e shoqerise. Punonjesit mund te kontraktohen nga operatori ekonomik enkas per kete procedure prokurimi.

Stafi që do të deklarohet detyrimisht do ti paraqitet Autoritetit Kontraktor për të qenë pjesë e planit të zbatimit të kontratës.

4. Operatori ekonomik duhet të deklaroj Agregatet / Pajisjet / Pjesët e këmbimit duhet të ofrohen të reja dhe sipas afateve të garancisë të dhëna nga prodhuesi ose nga distributorë të autorizuar nga prodhuesi.”.

Publikuar në rregjistrin e ankesave më datë 31.01.2024.

KOMISIONI I PROKURIMIT PUBLIK

**Nënkryetar
Fiorent Zguro**

**Anëtar
Anila Malaj**

**Anëtar
Kreshnik Ternova**

**Kryetar
Jonaid Myzyri**